

www.BibleForChildren.org

Matiu 8



loxe, mixolu xo xe voxo tatalusoui, la tamitema mipita no taoni ne Kana no xale lia ne Xalili so isosovosou taula'i vile. La lesua nenu milai kalumo. La tamitema miali'a lesua oli'a tatisaipeliou so milai no anu lavilelu so taula'i ne kalumo.



Xe tamotu mixolu misosovosou taula'i xo xe uaini mukalui la Iesua nenu mivikalanu lexe, "Ane'i uaini so iieixula uae." Ia nenu mivikalane'i tamitema so xaixai no anu tani lexe, "Loxo uvikalangengixu mi ma'ia la nga'oxonusi."



Laso lesua muvikalane'i tamitema so xaixai ne lexe, "Ngatatau lexa une'e so nga'ana'anixu lexa vexasou 6 'o." Laso ane'i mitatau xo mole muana'ana mumomomo avile.



Mukalu la Iesua muvikalane'ila lexe,
"Io', ngatau se'i ngalaixu noxou itema
so uvosinu la'ilali." Laso ane'i milaixu
noxou olele.



Milaixu, ia anu lexa la uasi, anu muxiu muxali uaini mukalu. Xe itema so uvosinu la'ilali olele muiexu sevile so utovonu ia ulavu lexe mino'u a ne'ei uasi. Ane'i tamitema so xaixai e mitau nesi a milavusou. Mutovonu uaini ne xe mukalu sila mu'avalou itema mutaula'i alavua ne.



La muvikalanu lexe, "Ai, tamitema ilavusou ivelunu uaini lailaixe tei mo tamitema iixu xo xe isoliou malaxo uae, laso ane, ivelunu ane lailaixe malaxo uasi. Ia loxo nini la ne'apisou uaini lailaixe 'o ia mune'e alala'e se'osi a so navelunu to 'oe."




La mi e lesua mu'oxonu ne Kana no xale lia ne Xalili ne anene soko'u no anu sosovo so xavi e mu'oxo'oxonu. Anu mu'oxonu so umaxa'u lavulavu ilou xavi mu'uli'uli noxou. La ane'i tatisaipelou milopala noxou.



loxe, ili'i la lesua mu'unalai no tasou
Pita la mumaisie Pita leuanu a miai
no lu xo mipipiena mo vasimele
lumotosou.



Xe Iesua mukasi no avole sila pipiena mupaxelesie
ka mi'avuti milalaxinu xou la'ilali.




Mixolu xo xe aso mu'una la ane'i tatemanu tuala
mine'ene'i tapijena oli'a tamitema ane ta'angelo
tamasua mikasi'a noxou
lesua. Mine'ene'i la
tatemanu tuala latala
misu'a la'oluxa'a no
aitengaxu tani ne.



La Iesua mupaipoune'i tamitema pipiena iouiou ne. Xe tamitema ane ta'angelo tamasua mikasi'a la anu mukusai'a no anu vasime'a. La ane'i ta'angelo tamasua milavusou ia anu mu'apixa'a lexe ipa'anixu mamu.



La ane'i tamitema latala mitovonu so ikasi noxou
xo anu xaviou a mulutu noxou mo mupaipoune'i.



Anu a uvotone'i la tamitema tami'a mitavulenu itema vile ane xixinu musoisoli. La mitavulenu no anu lu so mine'enu noxou lesua no tani ne.



Mine'enu ia tamitema miveli mo
vote'i so i'unalaixu noxou lesua
uasi. Laso ane'i mitavulenu
mitelaixu teitexi no laxa'u
tani ane lesua muxolu
no anu.



Mitelaixu mukalu la milokenu tani
laxa'u mu'isalili no kisou lesua so
tanixu itema pipiena ne.
Milokenu mukalu laso ane'i
mililixu itema no lu mulu'elai
nonano no tani.



Milu'elaixu muxali noxou lesua xe mumaisou lopala
noxi'a la muvikalanu itema
ne lexe, "Alixeli,
tina'uxene so susu
mukalu." "Nini
natulu mo nano'u
lusine mo nalai
no tasine."



loxe, mukalu la lesua mutelo no anu pouti la
tatisaipeliou mimulinu kalumo. La
oli'a milutu milai xo la la'ave
tatila muxalisi'a no kupa.
Muxalisi'a la xasi
mupepei mu'una no
pouti tanu xo mole so
u'uo'uosou. la lesua
muai la muai avile.



Xe anu muvikalane'i lexe, "Ngingi to ne tamitema so lopala isusu'a sesi. Ngingi nga'olo'olo xo ma'ia?" Mukalu la anu mu'avuti mutulu mulavixu la'ave ilou xasi. Sila sivo mutalo xe kupa muai se'isisi avile. Laso ane'i tane'ililiou lexe, "Itema kaini axova ano'o, xo anu uvikalasi ka sivo ilou lexa ulomuxusi."



Xo Mosinge musexelaxa'a tatemanu
lialia misevile, laso anu mupilixinu Olu
e soxu vilesisi. Mupilixinu mo so ane'i
ta'ei ilopala noxou la imamulo uasi,
ixalisou mauli kaluxu uasi.



Romans 3:23 Xo nenge mukalusi tesusu, mo loxo nenge munge tatovonu so taxali noxou Mosinge, la tapunengesi.

Romans 6:23 Laso anu ane. Loxo itema uxaxai no anu susu, la lapesou ane solisi. la Mosinge uiaiaama noxinge so lexe taxolu noxou Kalaisiti Iesua anu Tatananenge, la tano'u mauli kaluxu uasi.

Hebrews 9:27 Xo tamitema mukalusi isoli alaxu vilesisi. Xe mukalu la itulu no laxunu Mosinge so utilovosi'a.

Ephesians 2:8,9 Xo ngingi ngelopala noxou laso Mosinge muiaiaama noxinge so mupamaulingengi. Mi ne ngingi munge ngaxalixu uasi. Mosinge molu mu'itimengi. Anene lakolisou xaixai vile nge'oxonu uasi. Laso tava'u so itema vile u'itinu no anu uasi.



Romans 10:9,10 Vaikala aloxo 'o. Loxo itema vile uvikala lamana lexe Iesua anu Tatananenge mo ulopala no oponu lexe Mosinge mutulusou no anu soli, la itema ne uxalisou pamauli ane. Xo loxo itema vile ulopalanu Mosinge vaikalaou la anu uvikala lexe, "Ai, vaikala ano'o maninasi."

Loxo u'oxo axone la Mosinge ulemolu lexe anu malemalenga. Xe loxo u'oxo lexe, "Anu ane, eni alopala noxou Iesuasi." La Mosinge upamaulinu itema anene.

John 3:16,17 Xo Mosinge musexelaxa'a tatemanu lialia misevile, laso anu mupilixinu Olu e soxu vilesisi. Mupilixinu mo so ane'i ta'ei ilopala noxou la imamulo uasi, ixalisou mauli kaluxu uasi. Xo Mosinge mupalusou Olu mune'e no lialia ia so utilovosou susu noxi'a tatemanu kaio ulemolu mamulosi'a uasi. Anu mupalusou mo so tatemanu lialia ixalisou pamauli a noxousi.



1 John 5:11-13 La ano'o vote'i so Mosinge mupala'anixu lexe vaikalaou ne maninasou. Anu mulosinge mauli kaluxu uasi la tava'u mauli kaluxu uasi ne a noxou Olusi. Itema ane Mosinge Olu uxolu noxou la mauli anene a uxolu noxou. la itema ane Mosinge Olu uxolu noxou uasi la mauli anene uxolu noxou uasisi. Eni ekaukavunu vaikala ano'o ulai noxinge ngingi ane ngalopala noxou Mosinge Olu, mo so ngingi ngalavu lexe mauli kaluxu uasi a muxolu noxinge ne.



Matiu 8-9; Maki 1-2, 4; Luku 4, 8; Tioni 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ata (atm) Copyright 1999 New Tribes Mission, Sanford, FL
32771-1487

<https://www.bible.com/en-GB/bible/3549/MAT.1.ATA>

©2026 Bible for Children, Inc.

www.M1914.org

www.bibleforchildren.org

